


www.BibleForChildren.org




San Juan 14



'Bittu udú xxattana le, gwaluxxen lele ge Tata Do
Yebáha lhe gwaluxxengaba lele kia lhe. Lhe'e lisi Tata
kiaha ixe ka yo'o sia ata tse'e ka benne. Ganna ttixka
abíba sia, la'ania nna abittula xpeya le ten tsea ata
tse'ele. Ganna chi eya'aya ten tsea ata tse'ele, la'ania
nna dedáya attu libe
nna echea le len
neti kini ata
dhoaha,


niha-
gaba
tse'ele.



Neti Juan, ankaa betsi to gele. Neti de ria lasia
Jesús-ni, de nuha nna neti lhe lebi'i lhe
turo'oba rutto ruchíari'i elha disa lhe


anágaba turo'ogaba
ribedari'i isia sá tti

innabia Tata
Do Yebáha.




Neti doa lo yu tee láni Patmos, nuní rena lagwi
indatoo-ni. Niba doa uleakana neti de rekia
ugixxi'a ka tisa ge Tata Do Yebáha


Ihe de rigixxi'aya ge nu
ben Jesucristuha Ihe.




Looraha tteba nna bisia Espíritu ge Tata Do Yebáha
latia. Tti yu'u Espírituha latia nna bela'ati xxila du
yebáha do ttu benne rinnabie Ioni.



Nianna tti biyienti rinne iyá xea ka nu ben Tata Do
Yebáha se'e yiesi lo yu-ni lhe ka nu se'e lhi'u yuha lhe
ka nu reki lhi'u lhe'e indatooha lhe
anágaba ka nu se'e yebáha lhe,
iyába ka nuní rákana: Benne doe
lo xxila ata rinnabie-na lhe benne
anke Neru to-na lhe, ka benne-na
nuná ralhake
inne tseri'i geke
lhe udú xibiri'i
arloke.




Lhe anágaba
lake nuná akake ka benne dika
inná xxeni leke lhe inná
tsitsi leke ttu dia lii lhe.




Bilágabati Jerusalén kubiha, delába yiesi le'a ge Tata Do Yebáha, biriana yebáha ata doeha nna ugwadina dana. Yiesiha chi bedú tsena ttiba ttu nuila chi bedú tsena kini dhina nubiyú. Nianna tti biyienti biria tsi'i ttu benne ata du xxila ata rido benne rinnabiaha. Benne biyien tsi'eha, unnebie idisa, ree:


–Gwalulanniruga.
Ne Tata Do
Yebáha doe lagwi
ge ka benne. Labie
dhoe lenke nna lake
nna akake gebie nna
kwinaba labie dhue
lenke ake Diosi geke.



Nianna tti bele'en anjeliha neti ttu yoo ridá inda lhe'eni.
Inda ridá lhe'e yoocha ruinna kini aka ben ka benne ttu
dia lii. Iyya gwanaba raka loni de ankana yaa xú.
Ririana ata du xxila ata do Tata Do Yebáha rinnabie
lhe ata do benne anke Neru toha lhe.



Yiesiha labí riyasinna xiani ge tatubisa-na, nigaba ge nanto beo-na, kumu nu xxeni ra le Tata Do Yebáha, nuha-ba rudenna ge yiesiha. Anágaba benne anke Neru toha, labe anke xiani geni.



Lhe'e yiesiha labí aka ga'a nu anka tsiga, nigaba aka
ga'a ka nu ruin xxattakana satsa lhe nigaba aka ga'a ka
nu ruin lekani lhe, sinuki sunruba
ka benne dia láke lo libru
ge benne anke Neru toha,
delába ata dia lá ka
benne aka benke ttu
dia lii arloe, ka
benneha-ruba gwaka
ga'ake lhe'e yiesiha.




Labie unie ki abitturu kwesike
lhe abitturu gattike lhe, nigaba
elenkanie lhe nigaba uyúruke
elha disa ge nu ratekeha.
Kumu nu gwateke ttuha chiba
ute nuha.




Lhe'e yiesiha labíru aka nu satsa nu abittu ru'u le Tata Do Yebáha, kumu niha du xxila ata do Tata Do Yebáha rinnabie lhe niha do benne anke Neru toha lhe, nna ka benne rixúke lo sina ge Tata Do Yebáha, ka benneha-ba udú xibike arloe. Niha ilákanie kwinaga Tata Do Yebáha nna tsia lábie lo xeake.



Bilágabati ka benne chi uttiha, ka benne ra xxeni leke
lhe ka benne abittu ra xxeni leke lhe, se'eke arlo xxila
ata do Tata Do Yebáha rinnabie. Nianna tti biyali lo ka
libru se'e ata doeha nna biyaligaba lo attu libru, delába
libru ata dia lá ka benne aka benke ttu dia lii arlo Tata
Do Yebáha. Ka benne yattiha nna ukaba
elhuxtisi geke attiba raba lo ka libruha
kua nu benba ttu ttuke. Iyába
ka benne ata abittu
besela láke lo libru
ata dia lá ka benne
aka benke ttu dia lii arlo
Tata Do Yebáha, ka
benneha biru'unagabake
diake lo gi bartoha.



Espíritu ge Tata Do Yebáha Ihe nuila ge benne anke
Neru toha, ráke bie: –¡Utá! Anágaba ka benne
iyienkanie nu ra ka benne-ni, innágabake: –¡Utá! Nna
iyába ka benne ebisike inda Ihe aka leke i'iyake indaha
Ihe, itake nna kwentaba i'iyake indaha, delába inda nu
uinna kini aka
benke
ttu dia Iii.



'Kumu de yalhá ukani Tata Do Yebáha ge
ka benne se'e yiesi lo yu-ni, de nuha nna
udhelhe neti benne ankaa Xi'in ttu túbiru
geeha, kini anáchu iyába ka benne
tsia leke neti nna abittu tsia
nnittike, sinuki satíaba
aka benke arloe.



Romanos 3:23

kumu iyábari'i ruinri'i tulha, de nuha nna labí ralhari'i edí
baari'i xiani ge Tata Do Yebáha.

Romanos 6:23

Kumu tulha ruinri'i-na, elhuttiba rigila nuná geri'i. Ttaka
Tata Do Yebáha runie kini aka ben ri'i ttu dia lii arloe de chi
babari'i len Jesucristu benne anke Xxanari'iha. Nuní nu tse
redá lebie kwentaba rutebie geri'i.

Hebreos 9:27

Anágaba, attigabari'i ka benne se'eri'i yiesi lo yu-ni, chiba
ga'anna deki suna ttu libeba gattiri'i nna iki de nuha nna tti
uin Tata Do Yebáha elhuxtisi geri'i,



Efesios 2:8,9

Kumu lebi'i, de bedába le Tata Do Yebáha nna gwa bodilábie le. Bodilábie le de ugía lele gebie, laa kwinaga lebi'i benle ttu bixa ki lhaale. ¡Ko'o! Tata Do Yebáha kwentaba bodilábie le. Laa de ruingari'i bixa ttu nu tse nna rodilábie ri'i. ¡Ko'o! Sinuki de redába lebie nna rodilábie ri'i. Aníha kini abittu tse'eri'i innári'i deki de ruin tsebari'i nna gwa rodilábie ri'i.

Romanos 10:9,10

Kumu ganna lu innelu innálu deki Jesús-ni anke Xxanalu Ihe ganna itú iki itú lelu tsia lelu deki Tata Do Yebáha belhidha benbie benneha lo elhuttiha, la'ania nna godilábe lu. Kumu len lastori'i tsia leri'e kini abitturu yua ujari'i ge nu ruinri'i nna len ro'ori'i nna kixxi'ari'i deki ria leri'i benneha. Aníha uinri'i kini odilábie ri'i.



San Juan 3:16,17

'Kumu de yalhá ukani Tata Do Yebáha ge ka benne se'e yiesi lo yu-ni, de nuha nna udhelhe neti benne ankaa Xi'in ttu túbiru geeha, kini anáchu iyába ka benne tsia leke neti nna abittu tsia nnittike, sinuki satíaba aka benke arloe. Kumu Tata Do Yebáha laa udhelhage neti benne ankaa Xi'inie, laa udhelhage neti yiesi lo yu-ni kini ukinnia ka benne, sinuki udhelhalee neti kini odiláya ke.

1 San Juan 5:11-13

Tisa-ni nuní utixxi'e, delába utixxi'e unie ki aka benri'i ttu dia lii nna elha nabani gatta geri'iha, Xi'inieha-ba utebie nuha geri'i. Ganna ri'i du lenri'i Xi'in Tata Do Yebáha, la'ania nna gwa teeba elha nabani geri'i ttu dia lii nna ganna ri'i abíba du lenri'i Xi'in Tata Do Yebáha, la'ania nna labí gatta elha nabani geri'i ttu dia lii. Iyá nuní benia lo yetsi-ni nna ridhelhaa na gele, lebi'i ka benne chi ria lele ge Xi'in Tata Do Yebáha, kini anáchu nna yule deki gwa tee elha nabani gele ttu dia lii.



San Juan 14; 2 Corintios 5;
El Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Yareni NT (zae) © 2014, Wycliffe Bible
Translators, Inc. All rights reserved.

<https://www.bible.com/bible/1353/MAT.1>

©2026 Bible for Children, Inc.

www.M1914.org

www.bibleforchildren.org

